



Geschafft!

FaBe

Ein grosses Rätsel

Herbstlager Klettern für Familien in den Gastlosen Süd vom 30. September bis 3. Oktober 2019.

Unter der Leitung von Andreas, Celina und Simon haben wir bei besten Wetterbedingungen vier Klettertage im Gastlosen-Gebiet verbracht. Nur am Mittwoch mussten wir wegen starken Regens in der Hütte bleiben. Auch da haben uns die Leiter fantastisch betreut... neben Ausbildung haben sie sogar einen Theaterworkshop mit uns veranstaltet! Hier ist eine Niederschrift von einem der dabei entstandenen Beiträge:

In der Nacht, als alle grossen und kleinen Kletterer in die Schlafräume verschwunden sind und Ruhe in die Grubenberghütte einkehrt, beginnt es in einem Rucksack unten im Eingangsraum zu rumoren. Man hört Klirren von Metall, Ächzen und Stöhnen, Gähnen und verhaltene Flüche, dann Stimmen:

- K: Uahh, es isch wider e stränge Chlättertag gsi.
 A: Was stinkt da eigentlech so? Sicher wider dir zwöi!
 F: Mir si de nid die einzige wo stinke... dä dert stinkt ou!
 G: Ja was söui mache, wenn alli geng i mi inefurze!
 S: Jammere nid so wäg dene paar Fürz. Uf mir stö immer au umä, düe Chnüppe mache mit mir und tüe a mir umeschrissä!
 H: Ja und ig ha de dopplet gschisse: vo obe gheiet Felsbröcke uf miich und vo une betatschet mi sit Wuche ungwäschni Haar.
 A: He stimmt das Karabiner: du bisch hüt vo wiit obe abegheit?
 K: Pssst!! Warum weisch du das! Hoffentlech het das niemer gseh... süsch näme si mi no usem Verkehr!
 A: Ja i has gseh, i ha drum hüt fasch nüt ztüe gha ussert z'glänze und miini formschöni Taille z'präsentiere.

- F: Hey! Du hesch recht! Es isch nid alles soo schlimm. Ig chume derfür überall hin und (kichert) die ganz stinkige u chäsige Füess drückeni derfür äxtra nochli meh!
 G: Und ig bi für alli da und alli chöi sech a mi hänke!
 S: Und ig bi no viu wichtiger: wäge mir chunt me überhaupt der Bärg ztüruf!
 H: Ig bi de immer und überall derbii. Ig bin es VIKA (Very Important Kletteraccessoire)!
 K: Und ig ha de hüt no der Klätterer ghäbt woner isch iz Seil gheit!

Pause...

Alle: Also we mer gnau überlege, isch es hüt wieder e wahnsinnig schöne Tag gsi!

Wer findet heraus, wer alles an dieser nächtlichen Unterhaltung teilgenommen hat?

Die Teilnehmer des Kletterlagers schliessen sich der Einschätzung der sechs VIKAs an: Es isch wahnsinnig schön gsi!

Leiter: Andreas Oggier (Bergführer), Simon Bolz, Celina Schlapbach
Teilnehmer: 19 Teilnehmer, davon 10 Kinder: 6 Knaben, 4 Mädchen
Bericht: Thomas (Vater) & Lars (Kind), Susanne (Mutter) & Noah (Kind), Nicole (Mutter) & Basil (Kind)
Foto: Andreas Oggier